

ቢያፓ ባሼ ማዔ ዓይኑሞ ዓይያ ካር

«ቢያፓ ባሼ ማዔ ዓይኑሞ» ጌይነቴ፥ ሃና ማፃኣፓ ናሹሞ ካላሊ ጊኢጊሸናያኩ፤ ዩንሢ ካላሎንሢዳፓ ባሼሢ ፃኣፒንቴሢ ዓይኑሞ ጎይሢ ማዓዛ ዓቲንቃሢ ላኣሌሎሞ፥ ላኣሌላ ሃሢ ዓቲንቃሢሞ ዓይናዳያኩ። ሃና ማፃኣፒላ ፔቴ ፔቴ ቡሊያ ማፃኣፓይዳ «ሴሎሞኔኮ ቢያፓ ባሻ ዓይኑሞ» ጌይነታዛ ሜሌ ማፃኣፓይዳ ጊንሢ «ዓይኑሞይዳፓ ቢያ ባሼ ኮሽካ ዓይኑሞ» ጌይነቲ ዔርታኔ፤ ሜሌ ቡሊያ ማፃኣፓይዳ ሃሢ «ሴሎሞኔ ዓይኑሞ» ጌይነታኔ፤ ዓይጎር ጌዔቴ ዔብሬ ዓሶ ሙኡጮ ማፃኣፓይዳ ዬይ ዓይኑማ ሴሎሞኔር ማዔያታሢ ዔርቴሢሮኩ።

ሃና ዓይኑማ ከሪሰቶሴና ሸኢጲያ ማኣርና ባኣካ ዓኣ ናሹሞ ዔርዛ ኮኣኪንሢ ዓርቄያኩ፤ ዓይሁዶ ዓሳ ጋዓንቴ «ፆኦሲና ዒሰራዔኤሌ ዳርና ባኣካ ዓኣ ናሹሞ ዔርዛ ኮኣኪንሢ ዓርቄያኩ» ጋዓኔ።

ማፃኣፒላ ዲማ ዲማ ዓርቄ ባኮ

- ቤርታሳ ዓይኑሞ (1:1—2:7)
- ላሞዓሳ ዓይኑሞ (2:8—3:5)
- ሃይሣሳ ዓይኑሞ (3:6—5:1)
- ዖይዳሳ ዓይኑሞ (5:2—6:3)
- ደንጋሳ ዓይኑሞ (6:4—8:4)
- ላሃሳ ዓይኑሞ (8:5-14)

1 ሴሎሞኔ ዓይናዳ፥ ቢያፓ ባሻ ዓይኑሞ

- ቤርታሳ ዓይኑሞ
- ዑኡቴሎ ዓይኑሞ
- 2 ናሹማ ኔኤሲ ዎይዶ ዑዣፓ ባሼ ታና ዎዛሳያ ማዔሢር ኔ ሙሱራ ታና ሄርቆንጎ።
- 3 ኔኤኒ ቲሽቴ ቲዣ ቃራ ሳውቃያኩ፤ ሱንያ ኔኤኮ ዔኤሊፃ ሳውቃ ቲዣ ፑኡኪሢፕዲኩ፤ ዉዲራሢ ኔና ናሽካሢ ዬያርኩ።
- 4 ኩጮ ታኣኮ ዓርቄ ጎቺ ታና ዔኪ ዓኣዳ፤

1:1 1:1 1ካኣቶ. ማ 4:32።

ኑ ዋላ ዑካዲ ዓኣደም፤
ካኣቲ ፔ ቆልፆ ጋሮ ታና ዓኪ ጌልዜኔ።

ዑኡቴሎኮ ላጎ ዓይኑም

ኔኤኮ ናሹማ ኮሺ ኑና ዋዛሳኔ፤
ዋይኖ ዑዠገይዳፓ ባሼ ናሹም ኔኤሲ ኑ ሄርሻኔ።

ዑኡቴሎ ዓይኑም

ዓይኑ ትና ሃያይዲ ናሽካሢ ፒዜኔ።
5 ዓጊሢ ሴሩሳላሜ ዓጮ ዉዲራሢ ዋይዙዋቴ!

ታኣኒ ካርሢኬ፤
ማዔቴያ ታኣኒ ሚዛጲኬ፤
ካርሡማ ታኣኮ ቄዳሬይዳ ዓፒሎና ማዢንቴ ማኣርጉዲኬ፤
ሚዛጲማ ታኣኮ ጋዓንቴ ሴሎሞኔኮ ካኣቴሞ ማኣር ጎኑሶ
ዓፒሎጉዲኬ።

6 ታና ካርሢሢ ዓቦ ሩኡጸኬ፤

ታኣኒ ካርቴሢሢ ታና ቶኦቺፖቴ፤
ታ ዓጊዶ ናኣቶ ማዔ ታ ጌርሲንሢ ታኣና ፑርቴሢሢ
ዋይኖ ጎዡ ታና ዓይኑ ካፒሴኔ፤
ዬያሮ ታኣኒ ታ ዋይኖ ጎዡ ካፒያ ሃሽኔ።

7 ታ ዓሺ! ታኣም ሂንዳ ኬኤዜ፤

ኔኤኮ ማራቶ ኔኤኒ ዓንካ ሃንቃይ?
ዓባ ሳዛ ማዓኣና ኔ ዓይኑ ዓንካ ቃኣቲሳንዳቴያ ታኣም ኬኤዜ፤
ታ ኔና ኮይያ ኔ ላጎ ቆልሞ ጊንያ ዓኣዲሢና
ዓፒላ ቶኦኪና ጉኡሊንቴ ላኣሊጉዲ ማዓሢና
ዛኣሊ ሺራሢ ዓይጎርዳይ?

ዑኡቴሎኮ ላጎ ዓይኑም

8 ኔኤኒ ላኣሎይዳፓ ቢያ ባሼ ሚዛጴሌ!

ቤዘ ኔ ዓሩዋያ ማዔቴ
ማራቶ ኮጲዘ ዓርቂ ዓኣዳ፤

ዋናናኣቶ ኔኤኮ
ሞኦያ ናኣቶ ጉርዶ ዓጮ ሄንቄ።

ዑኡታሢ ዓይኑም

9 ታ ሚሹ! ጊብፄ ካኣቲኮ ሳርጌሎ ያይቶ ጎቻ
ፓራሢ ባኣካ ዓኣ ዓጊዶ ፓር ኔኤኒ ማላኔ፤

10 ጋንጋራ ኔኤኮ ሚዛጲ ሙሊሢ ሹቺጉዲኬ፤
ባቃና ኔኤኮ ሚዛጲ ፓልማሢና ማዓ ዴንቃያኬ።

11 ኑኤኒ ጋዓንቴ ቢራ ዓንጊ ፓልሞ

ዎርቄና ሚዛጲሶናያ ኔኤም ኮሻንዳኔ።

ዑኡቴሎ ዓይኑም

12 ካኣቲ ቃሚያ ሻኣሎይዳ ሙዖሮ ዴይ ዓኣንቴ
ታኣኮ ሳውቃ ቲዠ ሳውማ ጋሮ ዒዛኮ ዔኬኔ።

13 ታ ዒሺ፥ ታኣኮ ዳንዖ ባኣካ ላሃ
ሳውማ ዒዛኮ ዖሺንቲ ዓኣ ኬርቤጉዲኬ።

14 ታ ዒሺ፥ ዒንጌዴ ጌይንታ ዎይኖ ቱኮ ቤዛ
ባቃሊ ዓኣ ቦኣሊ ቡኒጉዲኬ።

ዑኡታሢ ዓይኑም

15 ታ ሚሺ! ዎዚ ኔኤኒ ሚዛጲይ!
ዓውካራ ኔኤኮ ዎዚ ኮሻካይ!
ዓኣፓ ኔኤኮ ዶኦሌ ዓኣፒጉዲ ሚዛጲኔ።

ዑኡቴሎ ዓይኑም

16 ታ ዒሺ! ኔኤኒያ ሚዛጲታንቴም፤
ኮሺ ኔ ታና ዎዛሳኔ፤
ሻኣላ ኦኡኮ ዎርቄ ዓኣ ማኣቲጉዲ ዎዛሳያኬ።

ዑኡታሢ ዓይኑም

17 ማኣሮኮ ኦኡኮ ቱርቱራ ሊባኖኦሴ ሚዖኬ፤
ሳካኣ ዚቢቆ ሚዖና ማዢንቴያኬ።

2

ዑኡቴሎ ዓይኑም

1 ታኣኒ፥ ሳኣሮኔ ቦኣሎ ቡኖጉዲ
ዶኦቹዳ ባቃሌ ሚዛጲ ቡኒጉዲኬ።

ዑኡታሢ ዓይኑም

2 ታኣኮ ሚሺላ፥ ኔኤኒ ዉዱራሢ ባኣካ ጴዳ ዎዶና
ዓንጊሢ ባኣካ ዓኣ ሚዛጲ ቡኒጉዲኬ።

ዑኡቴሎ ዓይኑም

3 ታኣኮ ዒሺ፥ ማሌ ዴጌሢና ዎላ ቤኤዘዛ
ካዮ ሚዖ ባኣካ ሚዛጲ ጴዳ ጋሲጉዲኬ፤
ታኣኒያ ሚርጌ ታና ዎዛሴም ዒዛኮ ሺባ ዴይ ሃውሺኔ፤
ዓኣፖዎ ሙይ ታኣኒ ዎዛዴኔ።

4 ዲዛኮ ሙያ ሙዋ ዳልጎ ከኤያ ታና ዲ ጌልዘኔ፤
ዲ ታ ዑፃ ባንዴራ ማሂ ዓርቄ ባካ ናሹሞከ።

5 ታ ዲዛ ናሽኪ ሃርጊንቴሂሮ
ዎይኖኮ ማሌ ዓኣፖ ሙኡዚ ታና ደዲሹዋቴ፤
ጋዘ ዓኣፖ ሙኡዚ ታና ዎዛሱዋቴ።

6 ፔኤኮ ሻውሎ ኩጮ ኬሬ ማሂ ጌሃኔ፤
ሚዛቆ ኩጮና ታና ዲ ኮንቃኔ።

7 ዲንሂ፡ ዩሩሳላሚ ዉዲራሂ!
ዲዚ ፔኤሮ ኮዓንዲያ ሂላንዳኣና
ዲዛ ዲንሂ ካኣሚ ጴቹዋጉዲ፤
ካዮ ቦዮ፡ ደቆዘና ሞይሎ * ሱንፆና
ታኣኒ ዲንሂ ሺኢቃኔ።

ለምዓሳ ዓይነት

ዑኡቴሎ ዓይነት

8 ታ ዲሼ ዲኮና ጌሚሮና ዑፃ ኮኦሚ ኮኦሚ ሙካኣና
ዑኡዛ ዲዛሲ ታኣም ዎይዚንታኔ።

9 ታኣኮ ዲሼ፡ ሞይሌና ደቆሲናኮ ናይ ማላኔ፤
ሃይሾ ኑ ማኣሮኮ ቲኢያ ዓጫ ዲ ዔቁ ዓኣኔ፤

ማኣሮኮ ፑልቶ ካሮና ጋሮ ባንሂ ዲ ዛጋኔ፤
ፑልቶ ካራ ጋሲ ኮሽና ጂኢኖና ሞኦኪ ዲ ታና ዛጋኔ።

10 ታ ዲሼ ሂዚ ታኣም ጋዓኔ፡-

ዑኡታሂ ዓይነት

ታ ሚሼሌ! ዔቁ፤

ታኣኮ ሚዛጴሌ! ሃኒ ዩኤ ኑ ዎላ ዓኣደም፤

11 ማይ፥ ባርጋ ጋፔኔ፤

ዲራኣ ሻንቁኔ፤

12 ዲማ ዲማ ቦኡሎ ቡና ቡኒያ ዓርቁኔ፤

ዓይናዲ ኮርጎ ዎዳ ሄሌኔ፤

ደኡሎ ዲላሂያኣ ኑ ዓጫ ዎይዚንታኔ።

13 ቤሌሶ ሚፃ ዓሚያ ዓርቁኔ፤

ዎይኖ ቡኖ ሳውማ ሳዖ ዔኮኔ፤

ዬያሮ ታ ሚሼሌ! ዔቁ፤

ታኣኮ ሚዛጴሌ! ሃኒ ዩኤ ኑ ዎላ ዓኣደም።

* 2:7 2:7 ደቆዘና ሞይሎ ዩንሂ ቦንሂ ሚናኣ ጫኣቁም ዎደና ጌኤሺ ቦዮኮ ጌይ ካኣሽከንታሂሮ ዔያቶኮ ዲማ ዎልቁ ዓኣኔ ጌይ ዩኖ ዎደ ዓሳ ጉሙርቃኔ።

14 ጋጋ ዓላ ላሎ ዛኣዚንጾይዳ
 ዓላሺንቲ ዴዔ ታኣኮ ዶኦሌሌ
 ሂንዳ ዓላፖ ካር ኔኤኮ ታና ዳዌ፤
 ዑኡዞዋ ኔኤኮ ታና ዋይዚሴ፤
 ዑኡዛ ኔኤኮ ታና ዋዛሳያ
 ኔኤኒ ኮሺ ሚዛጳያኬ።
 ዑኡቴሎኮ ጌርሲንሢ ዓይኑም
 15 ዋይኖ ጎዡ ቡኒ ዓላ ዋይኖ ፑርቲሳ
 ዬያ ዳኮ ዳኮ ዉኡካሢ
 ፒሪ ኑም ዓርቁዋቴ።

ዑኡቴሎ ዓይኑም

16 ታ ዒሺ ታኣርኬ፥ ታኣኒያ ዒዛርኬ፤
 ዒዚ ሚዛጳ ቡኖ ባኣካ ቆልሞ ፔኤኮ ሄንቃ።
 17 ዲማ ካራንዳያ ሄላንዳኣና
 ጉቶ ዠባራ ዠባርሻንዳያ ሄላንዳኣና
 ታ ዒሺ! ሞይሌ ናይ፥ ጊንሣ ሃሣ ዶቆሲ ናይጉዲ
 ጋጎ ማዔ ዲኮ ቶኦካ ኮኦሚ ኮኦሚ ማዒ ሙኬ።

3

1 ዋንቶ ጉቤ ሻኣሎይዳ ታ ላሃዎ
 ዒናፓ ታ ናሽኬሢ ታኣኒ ኮዔኔ፤
 ታ ኮዔኔ፥ ጋዓንቴ ታ ዒዛ ዴንቁባኣሴ።
 2 ሃሢ ታኣኒ ዔቁ ካታሞ ኬሰካንዳኔ፤
 ዴኤፖ ጎይዖና ዓሳ ቡካ ጸኦኮናይዳ ታ ሃንታንዳኔ፤
 ዒናፓ ታ ናሽኬሢ ታ ኮዓንዳኔ፤
 ታ ዒዛ ኮዔኔ፥ ጋዓንቴ ታኣኒ ዴንቁባኣሴ።
 3 ዒማና ካታሞ ሳዛ ሃንታ
 ካታሞ ካፓ ዓሳ ታና ዴንቁኔ፤
 ታኣኒያ ዔያቶ ኮራ
 «ዒናፓ ታ ናሽካ ናዓሢ ዒንሢ ዴንቁያ?» ጌይ ዖኦጩ።
 4 ዔያቶይዳፓ ዳካ ታ ዓኣዳዎ
 ዒናፓ ታ ናሽካሢ ታኣኒ ዴንቁኔ፤
 ቶሎዋጉዲ ዶዲሺ ታ ዒዛ ዓርቁኔ፤
 ዬካፓ ታ ዒንዶ ማኣሪ ታ ዒዛ ዔኪ ዓኣዲ
 ታና ፔ ጎጳ ኬዴ፥ ታ ዒንዶ ቆልዎ ሄሊሳንዳኣና
 ታ ዒዛ ሃሺባኣሴ።

5 ዒንህሂ ዬሩሳላሜ ወዲራህ!
 ታናሽካህሂ ፔኤሮ ኮዓንዲያ ሄላንዳኣና
 ዒንህሂ ዒዛ ካኣሚ ጴቹዋጉዲ
 ካዮ ቦፆ፣ ደቆዘና ሞይሎ * ሱንፆና
 ታዒንህሂ ሺኢቃኔ።

ሃይሣሳ ዓይኑሞ

6 ኮርሞ ዓሶኮ ሳውቃ ጴኤሽጉዲ ቃራ ሳውሞ ዓኣ
 ዐንጅና ኬርቤ ጩቦናጉዲ ዔቁ
 ዓሳናንጉዋ ዳውላገ ሙካዛ ዬና ፆናዳይ?

7 ሃይሹ፣ ሴሎሞንኮ ሳርጌሎ ፆይታ ሙኪ ሙኪኬ፤
 ዒሰራዔኤሌኮ ፆሎና ዔርቴ ዓሶ ባኣካገ ደኦሪንቴያ
 ዒዘ ካገ ላሂታሚ ፖኦሊሴ ሞላ ዓኣኔ።

8 ቢያህሂ ጩንቾ ዓገሮና ፆልቶ ጎይፆ ዔሬያ
 ፆልዚናኣ ኮሺ ዔርቴያኬ፤
 ዲሞና ሄላኒ ዳንዳዓ ሜቶ ቃዛኒ
 ፔቴ ፔቴ ጩንቾ ዓገሮ ኬርና ዔያታ ቱኡቲ ዓኣኔ።

9 ካኣቲ ሴሎሞን ፔኤሞ ሳርጌላ ፆይታ ኮሼኔ፤
 ዒዚ ኮሼህሂያ ሊባናኦሴ ሚፆናኬ።

10 ዬያ ፆይቶኮ ቶካ ቢራ ዓንገና ጳርቂንቴያኬ፤
 ቶኦኮ ጌኤቂሶህሂያ ሞርቄና ኮሾናያኬ፤
 ዒ ዴዓ ቤዛኣ ዘቁ ዲንኪ ሻኣዣ ዓፒላና ካንቂንቴያኬ፤
 ኬኤፆ ገራ ዬሩሳላሜ ወዲራህሂ ሚዛጲሴያኬ።

11 ዒንህሂ ፃዮኔ ወዲራህሂ! ካኣቲ ሴሎሞን ዛጋኒ ሃኒ ኬሰኩሞቴ፤
 ካኣቲ ሴሎሞን ፔኤኮ ቦንቾሮ ዓጎ ባኮ ዓጊ ዓኣህሂ ዛጉሞቴ፤
 ዒዛኮ ዬይ ቦንቾሮ ዓጎ ባካ ዒና ዒዛኮ ሞዛፎ
 ዒዛኮ ዔፖ ዓቤሎና ዒንዳ ዒዛኮ ቶኦካ ዓጌ ቦንቾ ባኮኬ።

4

ዐኡታህሂ ዓይኑሞ

1 ታ ሚሼሌ! ሞዚ ኔ ሚዛጳይ!
 ሞዚ ኔኤኒ ኮሽካይ!

ዓኣፖ ካሮ ኔኤኮ ካንቆና ባኮ ባኣኪና ዓኣገ ኔኤኮ ጴዳኣና
 ደኦሌ ዓኣፒጉዲ ሚዛጳያኬ፤
 ቶኦኮ ገማ ኔኤኮ ጌሌዓዴ ዲካገ ጎዒ ኬዳ

* 3:5 3:5 ደቆዘና ሞይሎ ገዓዙ፡- ዓይህ 2:7ይዳ ዛጌ።

ዲቢ ዋኣሪጉዲከ።

2 ዓጩ ኔኤኮ ዔያቶ ባኣካ ሴኤካባኣ
ጉቤሢ ማንቴ ማንቴ ሾዓ

ጋፓኖ ታይዛዖዋ ዋኣሢና ማሰታ
ቦኣሬ ማራይጉዲ ሚዛጳያከ።

3 ሙሱራ ኔኤኮ ዲንኪ ዘቄ ፓቲሌጉዲ ሚዛጳኔ፤
ኔ ገሰታኣና ሚርጌና ኮሽካኔ፤

ኔኤኮ ላምዖ ዛሎ ጋንጋራ

ዓኣፖ ካሮ ካንቆና ባኮ ባኣኪና ጴዳኣና
ላምዖ ፓቂንቴ ሮኣማኔ ዓኣፒ ማላያከ።

4 ባቃና ኔኤኮ ሺያና ፓይዲንታ ዖሎና ዔርቴ ዓሶኮ
ገቲሞና ዖሎ ዓንጋሞና ሱዲንቴ ዴዓ

ዖልዚም ዋርዲያ ማዓንዳጉዲ ኮሺንቴያ
ዳውቴኮ ዴጌ ቤዘ ማላኔ።

5 ላምዖ ዳንፃ ኔኤኮ ማንቴ ማይ ሾይንቴያ
ሚዛጳ ቡኖ ባኣካ ሄንቃ

ሞይሌ ናይ ማላኔ።

6 ሳዓ ካራንዳያ ሄላንዳኣና
ዲማ ፖዓንዳያ ሄላንዳኣና

ሌካ ከርቤ ዲኮ

ገንሣ ሃሣ ዑንጅ ጌማሮ ታ ዴንዲ ሃውሻንዳኔ።

7 ታ ሚሼሌ! ጉቤ ካራና ኔኤኒ ሚዛጳከ፤

ሃይማ ፓጩኔ ጎዖንዶ ባኣዚ ኔኤኮ ባኣሴ።

8 ታኣኮ ዑኡቴሌ! ሊባኖኦሴፓ ታ ባንሢ ሃኒ ዩዔ፤

ሂዮ፣ ሊባኖኦሴፓ ታ ኮይላ ሙከ።

ዓማኣና ዲኮ ቶኦካፓ ከዴ፤

ዘቢና ማኣኪናኮ ናንጎ ቤዘ ማዔ

ሴኒሬና ሄርሞኔ ዲኮናፓ ከዲ ሃኒ ዩዔ።

9 ታኣኮ ናሽኪንታያ ሜዔ ዑኡቴሌ

ፔቴና ኔኤኒ ታና ዛጌ ዛጎና

ኔኤኮ ቆርጮይዳ ዓኣ ሚዛጳ ፓልማሢና

ዒኖ ታኣኮ ኔኤኒ ዲዔኔ።

10 ታኣኮ ናሽኪንታ ዑኡቴሌ!

ናሹማ ኔኤሲ ዎዚ ታና ዎዛሳይ!

ናሹማ ኔኤሲ ዎይኖ ዑዣፓ ባሼ ታኣም ኮሽካኔ፤

ሳውቃ ቲዣኮ ሳውማ ሳዎ ቲዣ ቢያፓ ባሼከ።

- 11 ታኣኮ ዑኡቴሌ! ኔኤኮ ሙሱራገ ዔኤሲ ያሎሊ ያዳኔ፤
 ዳንጋገ ኔኤኮ ዔኤሲና ዲኢቂና ዓልቃኔ፤
 ዓፒሎኮ ኔኤኮ ሳውማ ሊባኖኦሴይዳ ዓኣ ሳውቃ
 ዴኤሾጉዲኬ።
- 12 ኔኤኒ ታኣኮ ናሽኪንታ ዑኡቴሌ!
 ኔኤኒ ዲርቆና ዲማ ዲማ ባኣዚ ቱኮ ጎሺ
 ጊንሣ ሃሣ ኮይላ ዲርቂንቴ ዓልቃ ዋኣሢኬ።
- 13 ኔኤኮ ሃንቶ ጎይፃ ዓኣሢ ዓኣፒ ኩሜ
 ሮኣማኖ ሚፃ ዓኣ ጎሺጉዲኬ።
- 14 ናርዶኦሴ፣ ሃምባልታ፣ ዳጅሳኣሬንታ ቄሬገንታ
 ዬያጉዲ ሳውማ ዑንጃጉዲ ማዔ
 ዲማ ዲማ ቱኮና ባኣዚ ዒዘይዳ ዓኣኔ፤
 ኬርቤንታ ዋላንጎ ቡኒንታ
 ዲማ ዲማ ሳቂ ዴኤሻ ዒኢካ ባቃላኔ።
- 15 ኔኤኒ ቱኪንቴ ዲማ ዲማ ባኮ ዑሻ ዓልቃ ዋኣሢጉዲኬ፤
 ዓልቃ ዋኣሢ ዓኣ ዋኣሢ ዔቴጉዲኬ፤
 ዬያ ሌሊቱዋንቴ ሊባኖኦሴ ዱኮ ዴማገ ዓልቃ ዋርዚጉዲኬ።

ዑኡቴሎ ዓይኑሞ

- 16 ኬዶ ባንያ ዠባራሢዮ! ጴጪ ዔቄ!
 ኔኤኒ ሃሣ ደኦሎ ባንያ ዠባራሢዮ! ሃኒ ሙኬ!
 ታኣኮ ዲማ ዲማ ባኮ ቱኮና ቤዘይዳ ዠባርሹ፤
 ዬይ ዠባራ ኮሺ ሳውሞ ዓኣያ ማዖንጎ፤
 ታ ዒሹ፣ ዲማ ዲማ ባኮ ቱኮና ቤዘ ሙኮንጎ፤
 ኮሺ ዓኣፃያ ማዔ ሚፃ ዓኣፖዋ ሙዖንጎ።

5

ዑኡታሢ ዓይኑሞ

- 1 ታኣኮ ናሽኪንታ ዑኡቴሌ!
 ሃይሾ ታኣኒ ታኣኮ ዲማ ዲማ ባኮ ቱኮና ጎዡ ጋሮ ጌሌኔ፤
 ኬርቤንታ ዲማ ዲማ ሳውቃ ቡኖ ታኣኒ ማንፃኔ፤
 ዔኤዘ ያሎሎ ሾፖና ዋላ ታኣኒ ሙዔኔ፤
 ዋይኖ ዑዡንታ ዲኢቆንታ ታኣኒ ዑሽኬኔ።

ዑኡቴሎ ላጎንሢ ዓይኑሞ

ኑ ላጎንሢሮቴ!
ናሹሞ ዒንሢ ዒና ዓአሣንዲያ ሄለንዳአና
ሙይ፡ ዑሽኩሞቴ።

ጆይዳሳ ዓይኑሞ

ዑኡቴሎ ዓይኑሞ

2 ታአኒ ገንዓዛ፡ ዒና ታአኮ ጋዓንቴ ጳቸኬ፤
ታ ዒሼ ሂዚ ጌይ ዔኤሊንታንቴ ታ ዋይዜ፤
«ታአኮ ናሽኪንታ ዑኡቴሎ!
ሃይማ ፓጩኔ ጌይሳ ባአዚ ባአ ዶኦሌሌ!
ሃዳራ ካሮ ታአሞ ቡሌ፤
ቶአካ ታአኮ የልካዳኔ፤
ጋማአ ታአኮ ዋንታአ ቃአያሢና ዋዔ።።»

3 ማአዓሢ ታአኮ ታአኒ ኬሴ፤
ማይ ገንሣ ታአኒ ማአየንዶ?
ቶኮዋ ታአኮ ታአኒ ማሰቴ፤
ዓካሪ፡ ገንሣ ዋዲ ፑርቲሶንዶይ?

4 ታ ዒሼ ዲሊኖና
ኩጮ ፔኤሲ ዳኬ፤
ዒና ታአኮ ዒዛ ጋይቴ ዱጳ።።

5 ዬያሮ ታ ዒሹሞ ካሮ ቡላኒ ታአኒ ዔቄ፤
ካሮ ጎቺ ቡሎ ባኮ ታአኒ ዓርቃዛ
ኩጫ ታአኮ ኬርቤ የዲሴ፤
ኬኤላአ ታአኮ ዬያ ሌሊ ማዔ።።

6 ታ ዒሹሞ ካሮ ታአኒ ቡሌ፤
ጋዓንቴ ታ ዒሼ ባአሴ፡ ዴንዴ፤
ዬያሮ ዒና ታአኮ ኮሽ ዱጳ፤
ሚርጌና ታ ኮዔ፤ ጋዓንቴ ዒዛ ዴንቃኒ ዳንዳዒባአሴ፤
ታ ዒዛ ዔኤሌ፤ ጋዓንቴ ዒ ታአሞ ዬሂባአሴ።።

7 ካታሞ ሳዞ ሃንቲ ሃንቲ ካፓ ዓሳ ዒማና ታና ዴንቄ፤
ዔያታ ታና ጳርቄ ማአሳንሢ፤
ኬኤሎ ዲያ ዑፃ ዴዒ ካታሞ ካፓ ዓሳ
የደዞ ማአዓሢ ታአኮ ጉሲ ዔኬ።።

8 ዒንሢ ዬሩሳላሜ ወዱራሢ
ታ ዒሹ ዒንሢ ዴንቄያ ማዔ፤
ታአኒ ዒዛ ማሊፃፓ ዔቄያና ሃርገንቴያታሢ

ዒንሢ ዒዛሞ ከኤዛንዳጉዲ ታ ሺኢቃኔ።

ዑኡቴሎ ላጎንሢ ዓይነጥ

9 ኔኤኒ ላኣሎ ቢያይዳገ ሚዛጴሌ!
ጎኔና ዒሼ ኔኤኮ ሃንጎ ዓሶይዳገ ዲማዳ?
ኔ ዒዛ ዛሎ ሃያይዲ ሃዳርሳሢ?
ዒዚ ማሌ ዓሶይዳገ ዲማዳሢ ዓይጎናዳይ?

ዑኡቴሎ ዓይነጥ

10 ዒሼ ታኣኮ ኮሺ ሚዛጴያ ሃሢ ሃርጌ ባኣያኬ፤
ታጶ ሺያ ዓቲንቄ ባኣካገ
ዒዛ ሄላያ ባኣሴ።
11 ቶኣካ ዒዛኮ ጌኤሺ ዎርቄ ማላኔ፤
ጋሞ ዒዛኮ ጋሞፒ ማኮናያ ቁራኬጉዲ ካርታያኬ።
12 ዓኣገ ዒዛኮ ዎርዚ ዓቺዳ ዓኣ
ዑፆ ፔኤኮ ዲኢቁና ማሰቴ ዶኦሌ ማላኔ።
13 ጋንጋሮ ሚዛጴማ ዒዛኮ ዲማ ዲማ ሳውቃ ዴኤሻ
ባቃሊ ዓኣ ጎሺጉዲኬ።
ሙሱራ ዒዛኮ ቃራ ሳውሞ ዓኣ ከርቤ ጌይንታ ዴኤሻ
ፆዲሳ ሚዛጶ ቡኖጉዲኬ።
14 ቃሳ ዒዛኮ ሚዛጶ ሹዎና ሚዛጶሶና ዎርቄ ኮኣሎጉዲኬ፤
ዑፆ ዒዛኮ ሴንፔሬ ጌይንታ ሚዛጶ ሹዎና ሚዛጶሶና ዳርሲ
ዓቺጉዲኬ።
15 ቶካ ዒዛኮ ዎርቄይዳ ዶቂንቴ
ዒብኔቤሬዴ ጌይንታ ሹዎ ቱርቱር ማላኔ፤
ማላሢ ዒዛኮ ሊባኖኦሴ ሚፆና ሚዛጶሶና
ሊባኖኦሴ ዲኮጉዲኬ።
16 ዳንጋ ዒዛኮ ዔኤሲጉዲ ዓኣፃያኬ፤
ጉቤና ዒዚ ኮሺ ሚዛጶኔ፤
ዒንሢ፣ ዩሩሳላሚ ዉዲራሢዮቴ
ታኣኮ ዒሼ ያዲኬ፤ ታ ላጋሢያ ዒዛኬ።

6

ዑኡቴሎ ላጎንሢ ዓይነጥ

1 ኔኤኒ ላኣሎ ቢያይዳገ ሚዛጴሌ!
ኔ ዒሼ ዎዘም ዓኣዴይ?
ኑ ዎላ ዒዛ ኮዓንዳጉዲ

ዒ ዳንዴ ባንዖ ኔ ኑሞ ኩኤዜ።

ዑኡቴሎ ዓይኑሞ

2 ታኣኮ ዒሼ ማራቶ ሄንቃኒና

ሚዛጶ ቡኖ ዔካኒ

ዲማ ዲማ ሳውቃ ዴኤሻ ቱኪንቴ ቤዘ ዓኣዴ።

3 ታ ዒሼ ታኣሮኩ፥ ታኣኒያ ዒዛሮኩ፤

ዒዚ ሚዛጶ ቡኖ ባኣካ ቆልሞ ሄንቃ።

ደንጋሳ ዓይኑሞ

ዑኡታሢ ዓይኑሞ

4 ታ ሚሼሌ! ኔኤኒ ቲርፃ ካታሞጉዲ ሚዛጶ፤

ዩኡሳላሜ ካታማ ኮሽካሢጉዲ ኔኤኒ ኮሽካ፤

ፆሎ ባንዲሮ ዓርቂ ኩሰኩ ዓሶጉዲ

ዓውካራ ኔኤሲ ዓሲ ዲቃሣያኩ።

5 ታ ሚሼሌ፥ ሃዳራ ዓኣፖ ኔኤኮ ታጊዳፓ ሺርሼ፤

ዩይ ዓኣፓ ኔኤኮ ታና ዲዒ ዔኪ ቱኡሲ ዓሲ ማሄ።

ቶኣኮ ጋማ ኔኤኮ ጌሌዓዴ ዲካፓ

ሳዒ ኩዳ ዋኣሪጉዲኩ።

6 ዓጩ ኔኤኮ ዔያቶ ባኣካ ፔቱታፆ ሴኤካባኣ

ሜንቴ ሜንቴ ሾዓያና ዋኣሢና ማሰቴ

ቦኦሪ ማራይጉዲ ዋዛሳያኩ።

7 ኔኤኮ ላሞፆ ዛሎ ጋንጋራ

ዓኣፖ ካሮ ካንቆና ባኮ ባኣኪና ጴዳኣና

ላሞፆ ፓቂንቴ ሮኦማኔ ዓኣፒ ማላ።

8 ላሂታሚ ጌኤሾንሢንታ ሳሊታሚ ሌሳንሢንታ

ፓይዳ ዔርቱዋያ ማዔ ሚዛጶ ዉዴሮ ናይ ዓኣያ ማዓኒ

ዲንዳዓ፤

9 ጋዓንቴ ታኣኒ ናሽካዛ ፔቱዞ ሌሊኩ፤

ዒዛ ሃይማ ፓጩኔ ጌይንታ ባኣዚባኣ

ደኣሌጉዲ ሚዛጶያኩ፤

ዒዛ ፔ ዒንደኮ ፔቱኩ፤

ዒዞ ሾኤ ዒንዳ ቢያፓ ዑሣ ዓኣሢ ዒዞ ናሽካ፤

ዉዴሮ ናኣታ ዒዞ ዛጊ ዛጊ «ኔ ዓንጂንቴያኩ» ጋዓ፤

ጌኤሾንሢንታ ሜሌ ሌሳንሢ ማዔ ካኣቲ ላኣላ ዒዞ ሄሮሻ።

10 ሃና ፖዒጉዲ ፖዒ ጴዳዛ

ዓጊኒ ያይዲ ፖዓያጉዲ ፖዓዛ

ዓቢጉዲ ፖሊ ጴዳዛ
የሎ ባንዲሮ ዓርቂ ኬሰኬ የሎ ዓሰጉዲ
ዓውካራ ዓጊቻያ ማዕዘ
ሃና ያናዳይ?

11 ደአጮይዳ ባቃሊ ዋርቂ ዓአ ባኮ ታአኒ ዛጋኒ
ዎይና ቱሼቱ፣ ርአማናአ ቡኔቱ ዛጋኒ
ሌውዞ ጎዡ ታአኒ ኬዳኔ፤

12 ታ ዬያ ዔሪባአንቱ፣ ታአኮ ዓፃዲፃ ታና
ሳርጌሎ የይቶይዳ ካአቲ ናይጉዲ ዔኪ ዳይሣኔ።

ዑኡቱሎ ላጎንሣ ዓይነት

13 ኔኤኒ ሱላሜ ዓሲ ማዕዘሌ! ዔዞ ሃኒ ማዕቲራ፤
ኔና ኑ ኮሺ ዛጎም ሃዳራ ማዕቲራ።

ዑኡቱሎ ዓይነት

ማሃናይሜ ኮፃ ዛጋ ዓሲ ማሃ
ሱላሜ ዓሴሎ ዒንሣ ዓይጋ ዛጋይ?

7

ዑኡታሣ ዓይነት

1 ካአቲ ናዔሌ!
ዲርዘ ዓአሣ ዓአ ቶካ ኔኤኮ ዎዚ ሚዛጳይ!
ጉባዛ ኔኤኮ ዓንጎ ሼኤሺ ኮሻ ዓሳ ሚዛጳሲ ኮሼ ፓልሞ
ማላኔ።

2 ጉልዓ ኔኤኮ ዎይኔ ዑሺ ዓርሦና ቢሪሌ ማላኔ፤
ኬርና ኔኤኮ ሚዛጳ ቡኒ ሺርሺ ቱኮና
ዛርጎ ናቲጉዲኬ።

3 ላምፆ ዳንፃ ኔኤኮ ሚንቱ ሾይንቱ ሞይሌ ናይ ማላኔ።

4 ባቃና ኔኤኮ ዳርሲ ዓቺና ሚዛጳሶና ጴጌ ቤዘጉዲኬ፤
ዓአፓ ኔኤኮ ጴጌፖ ካታሞ ሃሴቦኦኔ ጌሎ ካራ ዓአ
ቦቆሎ ዋአፃ ማላኔ።

ሲኢዳ ኔኤኮ ዒኢካ ዳዒ ዳማሰቆ ዛጋኒ
ኮሾና ሊባኖኦይዳ ዓአ ጴጌ ቤዘጉዲኬ።

5 ኔኤኮ ቶኦካ ቁርሜሎሴ ዲኮጉዲኬ፤
ኔኤኮ ማዢንቱ ቶኦኮ ጋማ ጉኡፃሲ ሱኮና ቃጪና ማላኔ።
ካአቲ ኔኤኮ ዬያ ማዢንቱ ቶኦኮ ሚዛጳሞና ዲዒንቱ።

6 ታ ሚሼሌ! ዎዚ ኔኤኒ ሚዛጳይ?

- ዎዚ ኔኤኒ ኮሽካይ?
- ኔ ናሽካ ናሹማ ዎዚ ዎዛሳይ?
- 7 ዔጳ ኔኤኮ ማኤጃጉዲኬ፤
- ዳንፃ ኔኤኮ ማኤጃ ዓሞ ማላኔ።
- 8 ማኤጃ ሚያ ታኣኒ ገዒ
- ዓኣፖ ማንጂያ ናሽካኔ፤
- ዳንፃ ኔኤኮ ዎይኖ ዓሞጉዲኬ፤
- ካሳ ኔኤኮ ጋሲ ካሢ ሳውቃያጉዲኬ።
- 9 ዳንጋ ኔኤኮ ቃራ ዎይኔ ዑሺጉዲኬ።

ዑኡቴሎ ዓይኑሞ

- ያዲ ማዔቴ ኮዦ ዎይኖ ዑዣ
- ታ ዒሸኮ ሙሱርና ዓጮ ባኣኪና
- ሻኣዲ ኬዲያ ማፖንጎ።
- 10 ታኣኒ ታ ዒሻሢርኬ፤
- ዒዚያ ዓፃዲ ማላሢ ታናኬ።
- 11 ታ ዒሸ! ሃኒ ዩዔ፤
- ካታማፓ ዙሎ ኬሰኪ ኑ ዎላ ዓኣደም፤
- ዒባኖ ዒኣካ ኑ ዴንዲ ዎርቆም።
- 12 ሚኢሪ ዔቁ ዎይኖ ጎዦ ኑ ዓኣደም፤
- ዎይኖ ቡና ዲኡቁያ ማዔቴ
- ርኣማናኣ ቡኔቴ ኑ ዛጎም፤
- ዒኣካ ታና ታኣኒ ኔኤም ጉቤና ዓኣሢ ዒንጋንዳኔ።
- 13 ማንዳሪክሴ * ጌይንታ ሚያ ቡኖ ሳውሞንታ
- ሃሢ ዲኡዘናሢ ማዔቴያ ካፄ ሚያ ዓኣፓኣ
- ኑ ካራ ኩሚ ዓኣኔ፤
- ታ ዒሸ! ዩያይዳፓ ታ ኔኤም ጌሣኔ።

8

- 1 ኔኤኒ ታ ዒንዶ ዳንያ ዳንቄ
- ታ ጌርሲጉዲ ማዔቴ ዓይጎ፤
- ጎይፃ ታ ኔኤና ካኣሚ ሄርቄቴ
- ዓይጎ ዓሲያኣ ታና ቶኦቲንዲዎንቴኬ።
- 2 ታ ዒንዶ ማኣሪ ታ ኔና ዔኪ ጌልዜም
- ዒኣካ ናሹሞ ዛላ ኔ ታና ዔርዛንዲያታንቴኬ፤

* 7:13 7:13 ማንዳሪክሴ ጋዓዙ፡- ማዢ. ማፃ 30:14ይዳ ዛጌ።

ታኣኒ ርኦማኖ ዓኣፖ ጨኩጾ
ዓኣፖ ዎይኖ ዑዠ ነና ዑሼያናንዳንቴኩ።

3 ዒዚ ሻውሎ ኩጮ ኬሬ ማሂ ታኣም ጌሣኔ፤
ሚዛቆ ኩጮና ታና ዒ ኮንቃኔ።

4 ዒንሣ ዩሩሳላሜ ዉዲራሣ!
ታ ዒሻሣ ፔኤሮ ዔቁ ኮሳንዳያ ሄለንዳኣና
ዒንሣ ዒዛ ካኣሚ ጾቹዎጉዲ ሃዲራ ታ ዒንሣ ጋዓኔ።

ለሃሳ ዓይነትም

ዑኡቴሎ ላጎንሣ ዓይነትም

5 ፔ ላጋሣኮ ጌኤታ ጌኤቁንቲ
ዓሳ ናንጉዎ ዳውላፓ ሙካዛ ሃና ያናዳይ?

ዑኡቴሎ ዓይነትም

ሚና ኔ ዒንዳ ኔና ባኒ ሾዔ ቤዛ
ጋዘ ዴማፓ ታ ኔና ጾቹኔ።

6 ጋፑዎ ናሹዎና ኔ ዒኖ ጋራ ታና ኮንኮጉዲ ጫርጊ ሃሼ፤
ኔኤኮ ኩጮይዳኣ ዒማይዲ ታና ሌሊ ዓርቄ።

ናሹዎ ሃይቢጉዲ ዎልቄና ዓኣያኬ፤
ዒናፓ ናሽኮ ናሹዎዎ ዲኡፒጉዲ ፑርታኬ፤
ናሹዎ ሼኤላሣ ያኦሲ ታም ሼኤሎጉዲኬ።

7 ሚርጌ ዎኣሣ ናሹዎ ታሚ ዎዳኒ ዳንዳዑዎሴ፤
ዬይ ዲቦ ዎኣፃ ዔኤዳኒያ ዳንዳዑዎሴ፤

ዓሲ ፔኤኮ ዓኣ ቆሎና ቢያ ናሹዎ ሻንቃኒ ማሌቴ
ናሹዎ ሚኢሽና ሻንቁንቱዎኣሣር ዬይ ሚሚኢቻ ባኣዚ
ማዓኔ።

ዑኡቴሎኮ ጌርሲንሣ ዓይነትም

8 ሃጊ ኮንቾ ዴይሣባኣ ዳካ ጌኤዳ ኑኡኮ ዓኣኔ፤
ዓሲ ዒዛ ጎቻኒ ኑና ያኦጩቴ

ኑ ዓይጎ ባኣዚ ማዳኒ ዳንዳዓይ?

9 ዎንዴ ዒዛ ኬኤሌ ዲሣ ማዔያታቴ
ዒዛ ዑፃ ቢራ ዓንጊ ሴኤላ ኑ ኮሼያናንዳኔ፤

ዒዛ ካታም ጌሎ ካሮ ማዔያታቴ
ሊባናኦሴ ሚያ ዓርሶና ላሻ ጋጋርዘና ኑ ዎዴያናንዳኔ።

ዑኡቴሎ ዓይነት

10 ዓካሪ ታኣኒ ከኤሌ ዲሢኬ፤
ዳንፃ ታኣኮ ሹዎና ኮሺንቴ ካፒያ ካፖ ዳጌ ቤዘኬ፤
ታኣኒ ዒዛና ዎላ ማዓኣና ታ ዒሾ ሃውሺሳያኬ።

ዑኡቴሎኮ ላጎ ዓይነት

11 ሴሎሞንኮ ባዓልሃሞኔይዳ ዎይኔ ጎሺ ዓኣኔ፤
ዬያ ዎይኖ ጎዡ ጎሽኪ ዎርቃ ዓሶም
ሚኢሼ ጨጊ ጨጊ ጎሽካንዳጉዲ ዒዚ ዒንጌኔ፤
ዬይ ፔቴ ፔቴ ዓሳ ፔቴ ሺያ ማዓ ሹቺ ቢራ ዒዛም ጨጋኔ።

ዑኡቴሎ ዓይነት

12 ታኣኮ ዎይኖ ጎዡ ታኣሮኬ፤
ዒዘ ሴሎሞኔ! ኔኤኒ ፔቴ ሺያ ሹቺ ቢራ
ጎዡ ጎሽካ ዓሳኣ ላምዎ ጄኤታ ሹቺ ቢራ ዒካኒ ዳንዳዓኔ።

ዑኡታሢ ዓይነት

13 ኔኤኒ ታ ዑኡቴሌ! ዲማ ዲማ ባኮ ቴኮና ቤዘ ከሰኬቴ
ታ ላጋ ኔኤኮ ዑኡዘ ዎይዛኒ ኮዓኔ፤
ታኣም ሂንዳ ኔኤኮ ዑኡዘ ዎይዚሴ።

ዑኡቴሎ ዓይነት

14 ታ ዒሼ! ዑኬና ታ ባንሢ ሙኬ፤
ሳውቃ ዴኤሻ ባቃላ ዲኮ ዑፃ
ዪካ ሮኦታሢንታ ሞይላሢ ናኣቶጉዲ ማዔ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929